

Khomishenara ya SARS Mong. Edward Kieswetter o kgethilwe ho ba Modulaestulo wa Mokgatlo wa Lefatshe wa Bolaodi ba Meedi

Tshwane, 25 Phuptjane 2023 – Ditshebeletso tsa Lekgetho tsa Afrika Borwa (SARS) di ananela ho kgethwa ha Khomishenara Mong. Edward Kieswetter ho ba Modulaestulo wa Mokgatlo wa Lefatshe wa Bolaodi ba Meedi (WCO). Ho kgethwa hona ho etsahetse ka la 24 Phuptjane 2023 sesheneng ya Lekgotla la mokgatlo mane ntlokgolong ya WCO, Brussels, Belgium.

WCO e na le ditho tse 185 tseo boraro ba kotara ya tsona e leng dinaha tse ntseng di thuthuha mme Lekgotla lena ke ona moifo o ka sehlohlolong o etsang diqeto. Ona o ile wa thehwa ka 1952 mme o ne o bitswa Customs Cooperation Council (CCC), ke ona mokgatlo o le mong o sebetsanang le dikamano tse pakeng tsa mebuso o tsepamisitseng maikutlo ka ho qolleha hodima ditaba tse mabapi le Bolaodi ba Meedi mme o ananelwa e le lentswe la ditaba tse mabapi le Bolaodi ba Meedi lefatshe ka bophara. Ka 1994, CCC e ile ya ananela lebitso lena la tshebetso la Mokgatlo wa Lefatshe wa Bolaodi ba Meedi (WCO).

Nakong eo a neng a ananela phephetso ya ho etella pele WCO nakong ya selemo, Mong. Kieswetter o hlalositse diteboho tsa hae ho bomphato ba hae, ba ileng ba bona a lokela hore a etelle pele mokgatlo ona o hlomphehang. O itse "boetapele ke boikarabelo bo boholo le monyetla o tlang ka sewelo wa ho thusa maiteko a matjhaba a ho tlisa merero ya Bolaodi ba Meedi ho ba e ka pelepele pebofatsong ya kgwebisano ya matjhaba. Ho kgethwa hona ke bopaki bo matla ba hore boetapale ba SARS ditabeng tse mabapi le Bolaodi ba Meedi bo a ananelwa ka mora dilemo tse ngata tsa Kgapo ya Mmuso".

Dikgetho tse di ile tsa etellwa pele ke Khomishene ya Leano. Dipuisano tse tsa Khomishene ya Leano di ne di akga ka hare kगतelopele e entsweng mananeong a Bolaodi ba Meedi a WCO, diphephetso tse hlahang le tse ntjha tse tjamelaneng le tikoloho ya tsa Bolaodi ba Meedi, mmoho le dintlha tsa ntshetsopele ya mokgatlo tse mabapi le puso le ho fetohela mokgweng wa sekwalekwale wa WCO jwalo ka mokgatlo o kgannwang ke ditho tsa ona.

Ka lebaka la dintlha tse etsang dintlhakgolo tse lenanetsamaisong kajeno, Khomishenara Kieswetter o dutse se maratswana lepatlelong la lefatshe ka bophara mme sena se mo kgontsha ho fana ka botataisi bo tlang ho netefatsa hore WCO e loketse ho tobana le tshebetso ya yona le hore e dula e na le moelelo le ho fana ka tshebetso ho bomphato ba Bolaodi ba Meedi lefatsheng ka bophara.

Khomishenara Kieswetter o hlalositse lenanetsamaiso le tlang ho tataisa bodulasetulo ba hae tjena:

1. Ho sebetsa le basebetsimmoho le bomphatho ba hae ho tswa dinaheng tseo e leng ditho ho mamela ka mahlahahlaha le ho netefatsa hore maikemisetso a mawala a WCO a fumana ho phethahatswa ka tsela ya:

- Bongodi bo sebetsang ka ho phethahala le bo tsamaiswang hantle,
- moralo wa sekwalekwale o tlising diphetoho,

- lenane le loketseng la tse tlang pele,
 - kgopolo e hlakileng ya hore ho hlola ho bolela eng.
2. Ho kgothaletsa ho akaretswa ho ho holwanyane ka ho tsepamisa maikutlo hodima basadi le batho ba qhwadileng.
 3. Ho aha bolekanane bo tshwarellang le bo sebetsang ka ho phethahala le bakgathatema kaofela.
 4. Ho tsitlallela profaele e ntlafaditsweng ya bohlokwa ba Bolaodi ba Meedi tshebeletsong ya Setjhaba le ho netefatsa bophelo bo botle ba ba kotsing ya ho utlwiswa bohloko.

Nako ya ho feta le eo e leng yona feela moo naha e kileng ya ba modulasetulo wa Lekgotla la WCO ebile pakeng tsa 2001 ho isa ho 2006 tlasa boetapele ba Khomishenara ya mehleng, Mong. Pravin Gordhan.

Khomishenara Kieswetter o lebohile Mongodikakaretso ya siyang setulo, Dr Kunio Mikuriya le Modulaestulo Mong. Ahmed Al-Khalifa ka tataiso ya bona e ileng ya kgona ho tlisa katleho lenanetsamaisong la mokgatlo.

Khomishene ya Leano e ile ya boela ya kgetha Mong. Ian Sanders wa United States jwalo ka Mongodikakaretso e motjha wa WCO. Mong. Sanders o tla qala nako ya hae ofising ka la 01 Pherekong 2024.

Ha re phethela, Khomishenara o ile a leboha bomphato ba hae ho tswa kontinenteng ya Afrika haholoholo Botjhabela le Borwa ba Afrika, balekane ba rona ba BRICS mmoho le mabatowa a mang ka ho neha Afrika Borwa tlotla ena.

Ho fumana lesedi le fetang lena, ikopanye le SarsMedia@sars.gov.za